



SVEITARSTJÓRN GRÍMSNES- OG GRAFNINGSHREPPS

Fundargerð.

401. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 7. desember 2016 kl. 9.00 f.h.

Fundinn sátu:

Gunnar Þorgeirsson

Ingibjörg Harðardóttir

Björn Kristinn Pálmarsson í fjarveru Harðar Óla Guðmundssonar

Sigrún Jóna Jónsdóttir

Guðmundur Ármann Pétursson

Fundargerðin var færð í tölvu og hana ritaði Ingibjörg Harðardóttir.

1. Fundargerð sveitarstjórnar Grímsnes- og Grafningshrepps frá 23. nóvember 2016.

Fundargerð sveitarstjórnar Grímsnes- og Grafningshrepps frá 23. nóvember 2016 liggur frammi á fundinum.

2. Fundargerðir.

a) Fundargerð 39. fundar atvinnumálanefndar Grímsnes- og Grafningshrepps, 23. nóvember 2016.

Fundargerðin lögð fram til kynningar.

b) Fundargerð kjörstjórnar Grímsnes- og Grafningshrepps, 26. október 2016.

Fundargerðin lögð fram til kynningar.

c) Fundargerð kjörstjórnar Grímsnes- og Grafningshrepps, 29. október 2016.

Lögð fram fundargerð kjörstjórnar Grímsnes- og Grafningshrepps, dags. 29. október 2016. Í Grímsnes- og Grafningshreppi greiddu alls 264 atkvæði í nýafstöðnum kosningum til Alþingis, þann 29. október s.l. Á kjörstað mættu alls 207 manns þar af 109 karlar og 98 konur. Utankjörfundaratkvæði voru 57. Á kjörskrá voru 328 aðilar, 180 karlar og 148 konur og því er kjörsókn í sveitarfélaginu 80,5%. Fundargerðin lögð fram til kynningar.

d) Fundargerð 122. fundar Skipulagsnefndar Uppsveita, 24. nóvember 2016.

Mál nr. 1, 2, 3, 4, 15 og 17 þarfnast staðfestingar sveitarstjórnar.

Lögð fram 122. fundargerð Skipulagsnefndar Uppsveita, dags. 24. nóvember 2016. Eftirfarandi dagskrárliðir þarfnast afgreiðslu sveitarstjórnar;



SVEITARSTJÓRN GRÍMSNES- OG GRAFNINGSHREPPS

Mál nr. 1: 1501013 - Ásabraut 1-40 og Lokastígur 1-10: Ásgarður: Deiliskipulagsbreyting.

Fyrir liggur að lokinni grenndarkynningu tillaga að breytingu á deiliskipulagi sem nær til lóða nr. 1-40 við Ásabraut og Lokastíg 1-10 úr landi Ásgarðs. Tillaga var grenndarkynnt með bréfi dags. 4. október og gefinn frestur til 1. nóvember til að koma með athugasemdir. Eitt athugasemdarbréf barst og varðar afmörkun Ásabrautar 17 og 19. Þá liggur fyrir umsögn skipulagsráðgjafa um innkomna athugasemd í bréfi, dags. 17. nóvember 2016. Sveitarstjórn frestar afgreiðslu málsins.

Mál nr. 2: 1611047 - Kónsvegur 21 lnr 169352, Kónsvegur 21A lnr 220186 og Farbraut 5 lnr 169393: Breytt deiliskipulag: Fyrirspurn.

Lögð fram fyrirspurn eigenda Kónsvegur 21a úr landi Norðurkots um breytingu á deiliskipulagi svæðisins sem m.a. felst í að byggingarreitur á hluta lóðarinnar verði í 5 m fjarlægð frá lóðarmörkum. Einnig er gert ráð fyrir að stærð og afmörkun lóðanna Kónsvegur 21 og 21a og Farbraut 5 breytist lítillega. Einnig er lagt fram bréf, dags. 29. október 2016 með rökstuðningi fyrir breytingunni auk tillögu að breytingarupprætti. Sveitarstjórn hafnar breytingunni þar sem hún er í ósamræmi við ákvæði skipulagsreglugerðar um fjarlægð mannvirkja frá lóðarmörkum í frístundabyggð. Hægt er að sækja um undanþágu frá ákvæðum reglugerðarinnar en almennt er miðað við að sækja eingöngu um undanþágu þegar erfitt er eða ómögulegt að byggja án undanþágu. Það á ekki við í þessu tilviki þar sem byggingarreiturinn er stór.

Mál nr. 3: 1602016 - Bíldsfell 6 land 5 lnr. 220399: Frístundasvæði: Deiliskipulag.

Fyrir liggur lagfærð tillaga að deiliskipulagi frístundahúsalóða á spildu úr landi Bíldsfells, land sem heitir Bíldsfell 6 land 5. Tillagan var auglýst 1. september 2016 með athugasemdafresti til 14. október 2016. Nokkrar athugasemdir bárust sem að meginefni varða veltengingu við spildur sunnan við deiliskipulagssvæðið og var afgreiðslu málsins frestað á fundi sveitarstjórnar þann 9. nóvember 2016. Nú er tillagan lögð fram að nýju með þeirri breytingu að vegur innan skipulagssvæðis tengist núverandi slóða. Þar sem deiliskipulagið hefur ekki áhrif á aðgengi að lóðum sunnan deiliskipulagssvæðisins samþykkir sveitarstjórn samhljóða deiliskipulagið með ofangreindri breytingu.

Mál nr. 4: 1611048 - Arnarbæli 1 168227: Grímsnesi: Afmörkun lóðar.

Fyrir liggur umsókn Grétars Ottó Róbertssonar, dags. 16. nóvember 2016 þar sem óskað er eftir staðfestingu á hnitsettri afmörkun jarðarinnar Arnarbæli 1. Í fasteignaskrá er jörðin án stærðar en skv. lóðablaði er hún 417,5 ha. Sveitarstjórn gerir ekki athugasemdir við afmörkun jarðarinnar með fyrirvara um samþykki eigenda aðliggjandi lands á lóðarmörkum auk þess sem koma þarf fram kvöð um aðgengi eigenda Arnarbælis 2 að sínu landi.

Mál nr. 15: 1611050 - Rangárþing Ytra: Vindrafstöðvar: Aðalskipulagsbreyting: Umsagnarbeiðni.

Lögð fram til umsagnar lýsing vegna breytingar á aðalskipulagi Rangárþings Ytra sem varðar afmörkun iðnaðarsvæðis á um 193 ha svæði norðan Þykkvabæjar. Fyrirhugað er að reisa allt að 13 vindrafstöðvar sem samtals gætu verið 45 MW. Sveitarstjórn gerir ekki athugasemdir við fyrirliggjandi lýsingu, en áskilur sé rétt til að koma með athugasemdir við málið á síðari stigum þegar nákvæmari gögn um áhrif framkvæmdanna liggja fyrir, sérstaklega hvað varðar sjónræn áhrif og skuggavarp.

Mál nr. 17: 1611003F - Afgreiðslur byggingarfulltrúa - 16-42.

Lagðar fram til kynningar afgreiðslur byggingarfulltrúa frá 16. nóvember 2016.



SVEITARSTJÓRN GRÍMSNES- OG GRAFNINGSHREPPS

e) Fundargerð 17. fundar Skólaþjónustu- og velferðarnefndar Árneshings, 2. nóvember 2016.**Mál nr. 1 þarfnast staðfestingar sveitarstjórnar.**

Lögð fram 17. fundargerð Skólaþjónustu- og velferðarnefndar Árneshings, 2. nóvember 2016.

Eftirfarandi dagskrárliður þarfnast afgreiðslu sveitarstjórnar;

Mál nr. 1: Gjaldskrá fyrir árið 2017.

Fyrir liggur tillaga að gjaldskrá ársins 2017 fyrir Skóla- og velferðarþjónustu Árneshings. Sveitarstjórn samþykkir samhljóða fyrirbyggjandi gjaldskrá.

f) Fundargerð 18. fundar Skólaþjónustu- og velferðarnefndar Árneshings, 22. nóvember 2016.

Fundargerðin lögð fram til kynningar.

g) Fundargerð 11. fundar stjórnar Brunavarna Árneshings, 22. nóvember 2016.

Fundargerðin lögð fram til kynningar.

h) Fundargerð 23. fundar Almannavarnarnefndar Árneshings, 18. nóvember 2016.

Fundargerðin lögð fram til kynningar.

3. Fjárhagsáætlun 2017-2020, seinni umræða.

Fyrirliggjandi tillaga að fjárhagsáætlun fyrir árið 2017 er tekin til lokaafgreiðslu. Niðurstöður áætlunarinnar eru eftirfarandi í þúsundum króna:

Rekstrarniðurstaða A-hluta tekjur umfram gjöld	75.044
Rekstrarniðurstaða samstæðu A og B-hluta tekjur umfram gjöld	56.950
Handbært fé frá rekstri A-hluti	126.008
Handbært fé frá rekstri samstæðu	128.685

Fjárfesting í varanlegum rekstrarfjármunum er áætluð samtals 86,7 millj. kr. Helstu liðir í fjárfestingu eru í eignasjóði, vatnsveitu, hitaveitu og fráveitu. Ekki er gert er ráð fyrir lántöku vegna fjárfestinga né sölu eigna.

Einnig liggur fyrir 3ja ára fjárhagsáætlun og eru helstu lykiltölur samstæðureikningsins í þúsundum króna:

	2018	2019	2020
Tekjur	877.414	882.158	887.375
Gjöld	760.823	758.808	761.495
Fjármagnsgjöld	53.447	43.609	35.908
Rekstrarafgangur	63.144	79.741	89.973
Eignir	1.637.982	1.680.821	1.741.856



SVEITARSTJÓRN GRÍMSNES- OG GRAFNINGSHREPPS

Skuldir	937.973	901.071	872.133
Eigið fé	700.009	779.750	869.723
Fjárfestingar (nettó)	56.000	71.000	92.000

Sveitarstjórn samþykkir samhljóða fyrirbyggjandi fjárhagsáætlun fyrir rekstrarárið 2017 og framlagða 3ja ára áætlun Grímsnes- og Grafningshrepps fyrir árin 2018-2020.

4. Viðauki við áætlun 2016.

Fyrir liggur útfærsla á viðauka við fjárhagsáætlun ársins 2016. Viðaukinn felur í sér útgjaldaauka í rekstri að fjárhæð kr. 11 millj. og í fjárfestingum að fjárhæð kr. 37,4 millj. Þessum útgjaldaauka er mætt með sölu eigna að fjárhæð kr. 11 millj., lækkun á handbæru fé minni rekstrarafgangi. Sveitarstjórn samþykkir samhljóða fyrirbyggjandi viðauka.

5. Beiðni um styrk frá Landgræðslu ríkisins vegna samstafsverkefnisins „Bændur græða landið“.

Fyrir liggur beiðni um styrk frá Landgræðslu ríkisins til verkefnisins „Bændur græða landið“. Óskað er eftir styrk að fjárhæð kr. 30.000. Sveitarstjórn samþykkir samhljóða að veita umbeðinn styrk.

6. Beiðni um styrk frá foreldrafélagi Kerhólsskóla vegna jólaballs.

Fyrir liggur beiðni um styrk frá foreldrafélagi Kerhólsskóla að fjárhæð kr. 30.000 vegna jólaballs þann 20. desember n.k. Sveitarstjórn samþykkir samhljóða að veita umbeðinn styrk.

7. Beiðni um styrk frá Klúbbnum Strók.

Fyrir liggur beiðni um styrk frá Klúbbnum Strók að fjárhæð kr. 100 á hvern íbúa sveitarfélagsins. Sveitarstjórn samþykkir samhljóða að veita umbeðinn styrk.

8. Beiðni um styrk frá Aflinu vegna reksturs samtakanna.

Fyrir liggur beiðni um styrk frá Aflinu, samtökum gegn kynferðis- og heimilisofbeldi til reksturs samtakanna. Sveitarstjórn hafnar styrkbeiðninni.

9. Drög að reglum um sérstakan húsnæðisstuðning.

Fyrir liggja drög að sameiginlegum reglum fyrir Skóla- og velferðarþjónustu Árneshöfna um sérstakan húsnæðisstuðning. Sveitarstjórn samþykkir samhljóða fyrirbyggjandi drög.

10. Starfsstöð náms- og starfsráðgjafa.

Fyrir liggur bréf frá skólastjórum Þjórsárskóla, Kerhólsskóla, Flúðaskóla og Bláskógaskóla í Reykholti og Laugarvatni, dagsett 21. nóvember 2016 þar sem lýst er yfir ánægju með ráðningu sameiginlegs náms- og starfsráðgjafa. Jafnframt eru sveitarfélögin sem standa að ráðningunni hvött til að endurskoða ákvörðun sína um starfsstöð náms- og starfsráðgjafans. Sveitarstjórn felur oddvita / sveitarstjóra að ræða málið á næsta fundi NOS.



SVEITARSTJÓRN GRÍMSNES- OG GRAFNINGSHREPPS

11. Fjárfesting í búnaði fyrir Fjölbrautarskóla Suðurlands vegna nýbyggingar við verknámshúsið.

Fyrir liggur tölvupóstur frá fagstjóra verklegra framkvæmda hjá Framkvæmdasýslu ríkisins, dags. 3. nóvember 2016 þar sem óskað er eftir staðfestingu á framlagi sveitarfélaganna á árinu 2017 í búnaði fyrir FSU. Sveitarstjórn staðfestir fyrir sitt leyti að Héraðsnefnd Árnesinga án Árborgar greiði 15,2 millj. til búnaðarkaupa hjá FSU.

12. Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II að Vesturbrúnum 4, Grímsnes- og Grafningshreppi.

Fyrir liggur bréf frá Sýslumanninum á Suðurlandi, dagsett 22. nóvember 2016 um umsögn vegna leyfis til reksturs gististaðar í flokki II að Vesturbrúnum 4, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.

Til kynningar

- ✓ SASS. Fundargerð 514. stjórnarfundar 25.11 2016.
 - ✓ Samband íslenskra sveitarfélaga. Fundargerð 844. stjórnarfundar, 25.11 2016.
 - ✓ Fundargerð 178. fundar fagráðs Tónlistarskóla Árnesinga, 14. nóvember 2016.
 - ✓ Rauði borðinn, 38. tbl. 27. árg. 2016.
- liggur frammi á fundinum-.

Ekki fleira tekið fyrir og fundi slitið kl. 11:00